

大宋新譯三藏聖教序

御製

給

大矣哉我佛之教也化導羣迷開揚宗性廣博宏辯英秀莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教指四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊遠磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀目歲月煙蘿起香界之自遠巍巍罕測杳杳難名所以道資十重德被三賢至道起於乾元衆妙生乎太易抱繁形類寂鑒昏明絕彼是非開茲蒙昧有西域法師天息災等常持四忍早悟三乘翻

貝葉之真詮續人天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪恨啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其救不知者多善念生而無量潛臻惡業興而隨緣皆墮調御四衆積行十方樹花雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微聞豈堪序文以示來者如縻縈燭火下足比之於皎日將微蠶量海未能窮盡於深淵者哉

佛說護國尊者所問大乘經卷第一

如是我聞一時佛在王舍城祇樹山

大宋新譯三藏聖教序

卷第一

中與大必芻衆千二百五十人俱復有菩薩摩訶薩衆五千人俱得大忍辱無礙辯才降伏魔怨制諸外道發大道心得三摩地摠持自在具四無礙智通達四攝及最上甚深波羅蜜多乃至一切佛法無量無邊諸善功德其名曰

普賢菩薩普眼菩薩普觀菩薩普光菩薩普照菩薩上意菩薩增意菩薩無邊意菩薩廣意菩薩無盡意菩薩持地菩薩世上菩薩勝意菩薩最上意菩薩摠持自在王菩薩文殊師利菩薩摩訶薩等復有賢護菩薩摩訶薩等十六人俱復有娑婆世界主大梵天王及帝釋天主護世四天王復有蘇尸彌天子安意天子及諸天王龍王緊那囉王獻馱哩王藥叉王戔嗢拏王等各與若干百千眷屬俱來會坐

今時世尊坐於吉祥藏師子之座四衆圍繞逾於須彌光明熾盛譬如日月普照一切世間威儀具足梵行寂靜譬如帝釋於諸天中威儀最勝亦

如輪王七寶具足離諸怖畏如師子
主善能談說諸法空義如大大聚破諸
幽暗如摩尼寶王遠照一切如是佛
光照於三千大千一切世界於其光
中出妙梵音告諸眾生我今所得一
切諸法最上波羅蜜說真實義初善
中善後善文義殊勝純白圓滿梵行
清淨純一無雜

今時喜王菩薩摩訶薩在大眾中安
詳而坐瞻仰世尊於師子座放大光
明譬如千日照耀一切心大歡喜深
信恭敬即從座起合掌向佛以頌讚

佛身晃曜如金山 利益世間甚希有
菩薩聲聞緣覺僧 天龍八部皆圍繞
譬如須彌諸天居 出於大海而高顯
悲愍眾生而現身 於彼梵天復為王
行梵天行即梵天 光照上位諸菩薩
行禪解脫三摩地 威德儀容諸相異
亦如帝釋為天主 相好莊嚴功德異
牟尼光明顯世間 能善調伏諸有情
金輪四洲得自在 我佛慈悲亦如是
引彼眾生出苦輪

佛身晃曜如金山

利益世間甚希有

天龍八部皆圍繞

所有火炎摩尼光 日月光等諸光明
如是百千日等光 不及佛日恒照曜
如月夜分放光明 普照世間悉清淨
佛面端嚴如滿月 映蔽一切光不現
譬如高山燃大火 能破夜暗顯諸方
大傳所有智慧光 破盡黑暗離諸有
如大師子曠野吼 眾獸聞之悉驚怖
佛說法空無我義 諸魔聞之亦如是
摩尼寶王放光明 諸餘摩尼光不現
佛身晃曜真金色 映蔽一切世間光
一切世間賢聖中 無有最上與佛等
具福精進方便智 一切功德不可量
瞻仰大師功德海 威光普照諸羣生
一心恭敬慕尊顏 是故我今頭面礼
我所讚佛歸敬心 世間功德無等等
盡將迴向法界中 一切世間成佛道
今時喜王菩薩摩訶薩讚歎佛已合
掌向佛瞻仰尊顏目不暫捨心觀法
界其義甚深難知難見離言分別絕
諸戲論微妙難解不可思議如是觀想
一切法界唯佛如來觀智攝受現量
證知佛之境界無有等等如是觀見
所有如來不可思議方便境界皆攝

佛身晃曜如金山

利益世間甚希有

天龍八部皆圍繞

一相法界性中譬如虛空無有住處
即眾生界亦如自性一切諸法亦復
如是無礙解脫究竟寂靜諸佛世尊
以善方便身變佛剎徧滿一切現眾
生前諸如來身經無數俱胝劫而不
可得時喜王菩薩摩訶薩如是觀佛
功德已默然而住
今時有一尊者名曰護國於舍衛大
城安居三月過是夏已著衣持鉢與
諸苾芻及初出家者初發心者出舍
衛國詣王舍城鷲峯山中到彼山已
即時護國尊者往詣佛所頭面礼足
右繞三匝住立一面合掌恭敬而說
此頌讚歎佛曰
稽首最上佛光明 稽首如空無礙意
稽首能斷諸結縛 稽首永超三有海
我佛無邊真色相 普徧俱胝刹土中
菩薩聞已歡喜求 恭敬供養佛功德
作此最上供養已 瞻牟尼法離諸塵
各生歡喜還本土 稱讚世尊所說法
廣歷俱胝無數劫 利樂一切諸有情
如是身心不疲倦 為求無上佛菩提
恒行布施持戒行 忍辱精進禪定門

佛身晃曜如金山

利益世間甚希有

天龍八部皆圍繞

智慧方便到涅槃 是故我礼大覺尊
成就六通四神足 諸般十力解脫門
以此行及諸衆生 我今礼佛無等智
能知一切世間心 所行所作所成業
所有身口及言說 無上世尊悉觀見
貪癡過失不能斷 衆生因彼墮三有
因佛得成善逝業 能知世間諸善惡
所有過去諸佛事 及彼現在天人師
乃至未來功德海 一切諸法悉能知
清淨刹土衆圍繞 菩薩緣覺與聲聞
乃至諸佛壽量 我佛一切悉能知
所有一切生滅法 所有供養作佛事
所有受持法藏法 我佛一切悉能知
佛有十力無礙智 現在常住於三世
如是一切方便法 我礼世尊智慧海
大覺世尊無等等 相好莊嚴大吉祥
如夜泉星現空中 我礼牟尼最上尊
色相端嚴無與等 光顯諸天及世間
帝釋梵王究竟天 對彼佛前俱不現
無垢不動如金山 右旋螺結紺珠鬘
佛頂高顯如金山 光明遠照生諸福
光徧俱勝那由他 顯現眉間白毫相
目若青蓮恒適悅 觀照世間運慈心

佛說護國尊者所問大乘經

第五

清淨滿月虛空中 佛面圓明亦如是
一切見者無厭足 我礼如來圓滿相
行如鵝王及鹿王 亦如牛王行步穩
振動大地無暫止 我礼如來堅固力
手指纖長網縷相 指甲清淨如赤銅
平立垂手過於膝 我礼金色大覺尊
佛行大地現好相 具足顯現千輻輪
足放光明照群生 蒙光悉得生天界
大聖法王施七財 能為施主心平等
調御世間依法行 我礼法王無上覺
慈悲法念心為劍 持戒方便智慧弓
能斷煩惱諸群賊 生滅輪迴無有增
自利果滿復利他 令彼衆生亦解脫
究竟安樂出塵勞 得入善逝寂靜宗
無生無滅無諸苦 亦無生老愛別離
如是無為最上乘 佛為衆生慈恩說
我讚最上大牟尼 攝盡一切諸佛法
如是所有諸功德 願諸衆生證菩提
今時尊者護國頌讚佛已偏袒右肩
右膝著地合掌向佛恭敬頂礼白佛
言世尊如來應正等覺我有所問唯
願世尊慈悲聽許
今時世尊告尊者護國言如汝所問

佛說護國尊者所問大乘經

第六

我為汝說滿所求願令生歡喜時尊
者護國聞佛語已身心適悅而發聲
言世尊有何等法為菩薩行法具足
能得一切最上功德無礙大智決定
辯才明了性相入一切智教化衆生
斷彼無明妄想煩惱決定真實入一
切智發真實語令彼有情依言所作
離諸愚暗念佛方便樂聞一切甚深
梵義受持諸法速得證於無上正智
今時尊者護國即於佛前而說頌曰
菩薩所行決定行 彼行必有真實法
真法從佛智海生 最上如來為我說
佛身光明黃金相 最上無邊大福聚
救度六趣諸衆生 為說菩薩無始行
何得無盡大覺智 總持甘露生菩提
何得清淨智慧海 彼慧能斷衆生疑
俱勝多劫輪迴苦 衆生迷沒意無疲
觀此愚迷苦惱侵 為彼云何修十善
刹土清淨衆會滿 實創無邊壽命長
為衆恒宣微妙言 願說菩提無垢行
降伏邪魔生正見 拈彼愛河證解脫
清淨法眼照愚盲 令諸有情行上行
端嚴富貴大辯才 言辭柔軟聞歡喜

佛說護國尊者所問大乘經

第七

譬如甘露潤世間 願說甚深微妙法
梵音深妙斷諸惡 其聲和雅如頻伽
求法之衆佛所集 願說甘露齋群生
衆有善提最上根 及彼聲聞緣覺性
願佛隨根方便說 師資遇會正是時
我今樂聞最上乘 唯佛知我善提性
於此小乘不樂求 願說如來第一法
余時尊者護國說此頌已佛言善哉
善哉尊者能問如來最上之義利益
多人令得安樂攝受未來諸菩薩摩
訶薩汝今諦聽善思念之我當爲說
時尊者護國白言善哉世尊我今樂
聽唯願說之

余時世尊告尊者護國言有四種法
具足清淨是名菩薩摩訶薩何等四
法一內二外三心四意如是四法稱理
真實見諸衆生其心平等猶若虛空
無所分別依言所行是名菩薩摩訶
薩四種之法獲得清淨
余時世尊重說頌曰

心意內外常清淨 不退善提正道心
所作之善無唐捐 能得菩薩無邊智
觀彼衆生皆無我 生老病元悉求侵

佛說護國尊者問答經卷第一

第十

論

如是有三大海中 廣運法船救群品
見諸衆生心平等 觀彼世間如一子
願令一切俱解脫 意向善提心不退
常談空義依空行 亦無人我無衆生
譬如夢幻等無實 令彼愚迷生智慧
如所宣說大覺智 依智而行所作事
調伏過失心寂靜 求證善提爲佛子
余時世尊說此頌已告尊者護國言
復有四種法於諸菩薩令心安慰何
等四法一者於抱持法門志求修學
二者常近善友威儀無缺三者求證
甚深無生法忍四者精進修行持戒
清淨如是四法令彼菩薩安慰其心
進修不退復說頌曰

若人愛敬抱持法 名聞遠響衆所歸
能持無上妙法門 一切如來同所說
智慧增明無忘失 如是速得無礙智
通達一切最上法 成就無爲解脫門
皆因善友證善提 出生七覺能修斷
增長八正作佛事 遠離惡友如怖火
聞甚深法證無生 能了諸法畢竟空
無我無人無衆生 如是永離一切見
律儀出生諸善本 堅持守護離破犯

佛說護國尊者問答經卷第一

第十

論

彼行能成寂靜心 佛爲衆生親演說
余時世尊說此頌已告尊者護國言
復有四種法於諸菩薩在輪迴中令
心愛樂何等四法一者令諸菩薩愛
樂見佛二者令諸菩薩愛樂說法三
者令諸菩薩愛樂能捨一切所有四
者令諸菩薩愛樂忍印無相深法如
是四法於諸菩薩在輪迴中深生愛
樂復說頌曰

菩薩得見三足尊 一切生中行正行
能善調伏諸世間 光明普照除愚暗
如是供養人中尊 深生愛樂常尊重
救度一切諸衆生 令入菩提無上道
若聞諸佛所說法 身心寂靜生愛樂
如是堅固心無退 依行速證佛菩提
能捨一切心無怪 見來求者生歡喜
國城妻子及身命 給施衆生作佛因
若聞無相甚深法 性離分別本來空
無我無人無衆生 如是於斯生愛樂
余時世尊說此頌已告尊者護國言
復有四種法於諸菩薩不得愛樂何
等四法一者於其在家不得愛樂二
者既出家已不得愛樂利養三者不

佛說護國尊者問答經卷第一

第十

論

得愛樂上於中生四者不得愛樂小
衆之人如是四法於諸菩薩不得愛
樂復說頌曰

在家無邊大過失 捨離令心無所著
常樂山野寂諸根 勇猛勤修大智德
獨行清淨如利劍 能斷愚癡諸垢染
於彼種種大利養 常樂遠離無愛著
棄捨高貴上種族 觀如幻化陽燄等
普爲群生行布施 持戒忍辱等諸行
不惜身命及眷屬 志求正覺到彼岸
於小乘法無所著 於最上乘恒堅固
乃至割截於身體 其心不壞如金剛
今時世尊說此頌已告尊者護國言
復有四種法於諸菩薩而有損減何
等四法一者破戒戒律二者不住山
野而趣寂靜三者不依四乘之教邪
妄推求四者雖樂多聞全無所得如
是四法於諸菩薩而有損減復說頌
曰

戒相清淨如摩尼 能引衆生到彼岸
菩薩於斯破律儀 迷沒不成無上覺
住持山野寂靜處 我人分別自然除
男女眷屬及已身 觀如草木無情愛

佛說護國尊者所問大乘經

第十二品 論

四乘教理無虛誑 一心清淨奉教行
必得具足衆功德 成就佛智大丈夫
觀彼輪迴諸有情 常處生死憂悲苦
恒運最上妙法輪 度彼有情出苦海
若無救度彼衆生 迷沒沉淪無有盡
是故小乘非究竟 爲生令發菩提心
今時世尊說此頌已告尊者護國言復
有四種法於諸菩薩明了修習何等
四法一者發生諸佛平等之心而求
善逝二者承事法師尊重供養於臥
具等而不愛著三者不貪利養亦無
所求四者於甚深法忍具足成就如
是四法明了修習復說頌曰

彼有善逝大丈夫 天上人間無有等
平等導引諸羣生 如是修習行十善
尊重承事於法師 依師教授而修學
作大供養求佛智 無邊諸佛亦此生
常住深山無所畏 於斯利養下生貪
善能成就無礙智 通達深法離諸塵
聞佛功德深歡喜 如是行法堅固修
證彼寂靜無生忍 廣度衆生無量苦
今時世尊說此頌已告尊者護國言
復有四種法於諸菩薩行法清淨何

佛說護國尊者所問大乘經

第十三品 論

等四法一者身心決定志求菩提行
法清淨二者離諸虛妄樂住深山行
法清淨三者一切能捨不求果報行
法清淨四者常隨法師晝夜求法行
法清淨如是四法於諸菩薩行法清
淨復說頌曰

貪瞋癡垢心皆盡 懈怠虛妄亦復無
一切過失令不生 決定求證菩提道
歡離本舍憂寂斷 捨彼俗塵求出家
諸惡朋友不耽連 行住深山趣解脫
於彼山中修淨行 能成如來無礙智
於身命財無所著 自在無畏如師子
見彼有情生歡喜 譬如飛鳥聚還離
觀彼世間非久居 如是求大菩提道
身心清淨如虛空 所捨一切無驚怖
於彼利養無愛著 如鹿心驚不住地
世間恒起大嶮難 難發身心求解脫
觀此虛妄無真實 是故我行寂靜行
恒以軟語誘群生 怨親平等無分別
無著無住亦如風 是求菩薩最上行
無相解脫空無願 了彼有爲如幻化
常行清淨廣大心 飲甘露味常歡喜
志求道法依師學 彼人五蘊恒清淨

佛說護國尊者所問大乘經

第十四品 論

衆苦逼迫無疲勞 如是證入持門
解此所修菩薩行 成就所求令彼喜
若人不求於菩提 彼即少智百生失
余時世尊說此頌已告尊者護國言
復有四種法於諸菩薩而爲難法何
等四法一者心不尊重多行輕慢二
者心無孝行懈怠皆逆三者心貪利
養少於知足四者心樂虛妄邪求財
利如是四法爲菩薩難法復說頌曰
佛法本師及父母 全無信重多輕慢
不行孝敬心懈怠 常以愚癡行散亂
一向貪心於利養 復行虛妄爲邪利
自讚德業誣他人 我能持戒及修行
互相鬭諍無慈恩 覆藏已過見他非
復行農業及經營 如是沙門無功德
末法之時人散亂 鬭諍相殺心嫉妬
沙門隱滅如來法 諸善苾芻皆遠離
菩提妙道永不達 五趣輪迴無有窮
余時世尊說此頌已告尊者護國言
復有四種法於諸菩薩宜應遠離何
等四法一者懈怠二者不信三者嫉
妬四者憎見他人如是四法宜應遠
離復說頌曰

佛說護國尊者所問大乘經卷第一

第六分

無信懈怠心愚迷 心懷嫉妬常瞋恚
見有沙門持忍辱 却行驅擯出伽藍
於彼世間貴賤人 都無分別善惡事
一向只行於是非 如是過失從瞋得
遠離佛法諸功德 墮入惡趣大火坑
如是所行惡趣行 不依教法獲斯苦
是故常行菩提道 無令淪沒惡趣生
利益有情大金像 多劫俱脫方出世
今時暫得過牟尼 速捨諸過求解脫
余時世尊說此頌已告尊者護國言
復有四種法於諸菩薩不應行何等四
法一者惡友補特伽羅不應行二者
有見補特伽羅不應行三者捨一切
善法補特伽羅不應行四者樂著財
利補特伽羅不應行如是四種補特
伽羅不應行復說頌曰
若人遠離諸惡友 常得善友來親近
如夜圓月現當空 除暗明顯菩提道
凡有所見常不斷 於己身命偏養育
如是毒氣能遠離 彼人成佛大智慧
若捨最上微妙法 不樂寂靜甘露味
如是名爲不淨器 遠離求證大菩提
貪求財利衣鉢等 復與在家同營事

佛說護國尊者所問大乘經卷第一

第七分

如是遠離此火坑 而能成就最上道
常樂降伏諸魔怨 恒轉法輪度群品
如是廣作大利益 常逢善友得菩提
親疎毀讚常平等 利養嫉妬亦復然
如是無上諸佛智 彼人不久悉成就
余時世尊說此頌已告尊者護國言
復有四種法於諸菩薩爲苦報法何
等四法一者輕慢教法二者執著我
人三者心無信解四者於不淨境具
足印持如是四法爲菩薩苦報法復
說頌曰
若有受持微妙法 堪受世間諸供養
於彼輕慢無大智 當受無邊衆惡苦
於佛本師及父母 常懷我不恭敬
如是大福心不求 當得不淨無知趣
三寶最上良福田 而無信解行歸敬
純以虛誑昧世間 如是當獲罪惡苦
女人即是惡趣門 流浪生死無窮盡
無智愚癡作彼業 永沉地獄及畜趣
若人尊重向諸佛 能滅衆苦得無畏
復閉一切惡趣門 開引衆生得佛道

佛說護國尊者所問大乘經卷第一

乙巳歲高麗國大藏都監奉

勅雕造

佛說護國尊者所問大乘經卷第一

第八分

佛說護國尊者所問經卷第二

給

佛說護國尊者所問經卷第二

今時世尊告尊者護國言有四種法於諸菩薩而為縛法何等四法一者輕慢他人二者於世間事方便趣求三者散亂用心如行嶮難四者於其眷屬一心貪著如是四法為菩薩縛復說頌曰

若行輕慢於他人 方便唯求世間事
散亂如行嶮道中 如鳥陷身深泥裏
於自眷屬生愛著 常懷貪戀如迷醉
如是種種被纏縛 增長愚癡覆大智
若人怖苦厭生死 求出沉淪趣解脫
捨於輕慢世間等 是名菩薩所行道
藏盡無邊諸苦已 及彼煩惱諸眷屬
究竟安樂無所求 圓滿菩提寂靜道
所行六種波羅蜜 三身五智十力等
一切功德悉具足 如是永離無邊苦
過去修行無量劫 為衆生故求菩提
一切衆善悉皆修 遠離諸惡眷屬等
恒樂深山寂靜處 遠離聲色想真空
如是精進不間修 獲大丈夫圓滿慧

見彼世間衆生行 五趣輪迴無有窮
我於過去發慈心 捨自身命及妻子
國城大地及珍寶 如是求佛無數劫
我昔居山行忍辱 歌利王來截手足
昔住深山名閻摩 我為仙人婆羅多
時有天子射我身 不惜身命如頑石
不捨身命如頑石 志求菩提心不退
我昔曾為薩埵時 見彼鐵虎欲食子
投崖捨命濟彼飢 天人稱讚大精進
常樂布施救衆生 不捨身命及財寶
我昔曾為摩曩縛 廣行布施盡寶海
捨大摩尼令富他 如是求證菩提果
注昔作大蘇摩王 名稱普聞我修行
今時入縛為他人 於彼百王得解脫
我昔曾為能捨王 一切所求皆充足
乃至身命及珍財 今他大富離貧苦
昔有飛鴻來投我 即割身肉濟彼命
如是持刀割肉時 無驚無怖心安隱
亦於過去捨王位 盡世行彼波羅蜜
復自化身為妙藥 捨己身命濟群品
又昔曾為師子王 常為世間行利樂
棄捨王位及眷屬 一心志求無上道

又昔曾為妙牙王 當時獲壽於千歲
八十四年修苦行 發大精進施珍財
於佛塔前燃己身 志心恭敬作供養
又昔曾為無垢王 時有惡眼婆羅門
來詣深宮乞我頭 即便捨頭而施與
又昔曾為月亮王 普救衆生作善利
一切城隍聚落中 四衢道路施良藥
千女端嚴妙色相 金寶具珠廣莊嚴
捨彼千女自修行 如是所作福無等
又昔曾為輪婆王 所戴寶冠世希有
香花衆寶共莊嚴 捨施他人無所悵
又昔曾為寶鬚王 手足柔軟如兜羅
細滑微妙色如蓮 捨自身足利衆生
又昔曾為安意王 時有商主名星賀
領諸商客泛海中 忽然漂墮羅刹國
彼有百千夜叉女 無慙大惡唯食人
商客不識夜叉女 見此端正生愛心
五百商旅將被食 我親救度俱脫難
又昔曾為妙眼王 四非女人常圍繞
端正殊妙如天女 捨彼出家求佛道
又昔曾為福光王 無垢清淨黃金色
手指纖長世所希 捨此手指利群品
又昔曾為法財王 紺目清淨如青蓮

於身所受最難捨 人來求者亦與之

又昔曾為蓮目王 慙見衆生在苦惱

時有女人懷憂病 我行悲愍今解脫

又昔曾為大醫王 常救病苦諸衆生

或出身血及髓腦 救療疾病令除愈

如是勇猛精進心 未曾暫捨於情物

又昔曾為成利王 以自所受如蓮目

施諸衆生療彼疾 一心為求無上道

又昔為王名普現 慈愍有情行救度

余時捨彼四大洲 國土人民及衆寶

乃至割身血肉等 施與衆生心歡喜

又為王女稱大智 身嚴金色體柔軟

時有一女名色相 此是商人所生女

飢羸困苦無飲食 我捨雙乳濟彼命

又昔為王號多聞 所有珍寶妙衣服

為馬車乘財帛等 如是布施無有數

復見商人漂海浪 我於海內救得彼

背恩復乞我眼睛 我亦施之無瞋恚

棄捨大地諸眷屬 觀彼不著如蟻子

如是往昔濟群生 心無退動生疲苦

復覩孤老貧窮人 給足所須而承事

恒行敬愛無慢心 亦無慙歉無人我

又昔曾作猿猴身 與彼同類共遊行

時遇獵師縛彼身 我即替他令脫命

如是我奉國王 王今後宮摩繫我

思念父母年孤老 所有飲饌無心食

如是忍苦懷慈孝 是故得脫王宮難

又昔曾作大熊身 常處深山行慈忍

忽逢樵士遭大雨 引彼山崖令迴避

過是七日至天晴 告彼樵人莫說我

余時樵士安隱歸 招引獵師來殺害

如是背恩殺我身 亦無瞋恨生慈忍

又昔曾為白鳥王 求佛菩薩行十善

時有獵師射我身 我即捨手心歡喜

昔有惡人帝哩子 以火焚燒大山野

我見此火運慈心 天雨香花火自滅

又昔曾為大鹿王 金寶莊嚴體殊妙

入彼河中救溺人 令得安隱全身命

告言勿說我居山 恐彼惡人來獵我

時彼溺人背其恩 指告國王令抹捕

指已兩手俱墮地 我時無有少瞋恚

昔有五百商人衆 為求珍寶泛海中

商主所有資糧竭 商衆飢羸無飲食

是時我作大龜王 捨身濟彼商人命

以我慈心利他故 俱得安然到海岸

我昔變身為藥蟲 此蟲名曰俱蘇摩

一切疾病食我身 俱獲安隱無諸患

我昔復為師子王 大力無畏行慈愍

有大獵師射我身 亦無瞋恨無忿怒

我昔亦作白馬王 常行菩薩慈悲行

救彼商人羅刹難 擔負衆人出海中

昔作飛鳥軍罕羅 遠離色慾無散亂

令彼同類衆飛禽 亦復而行清淨行

又昔因中作兔王 與諸群兔宣法行

見一仙人飢無食 即捨自身濟彼命

又昔曾作鸚鵡身 常居花葉樹林中

時有惡人毀此林 以我力故復繁盛

又昔復作獼猴王 與衆獼猴而遊行

時有國王求採捕 我救彼難現王前

又昔復為鸚鵡身 父母俱老無力飛

我於田中鞠稻穀 養育二親行孝敬

於是田主懷瞋怒 捉彼鸚鵡而訶責

云何偷於我稻穀 此時須見汝捨命

鸚鵡告彼田主言 汝所種田濟一切

我持少分供二親 汝何言我為偷盜

余時田主聞是語 倍與稻穀生歡喜

我作禽類汝為人 如是孝養未曾有

往昔所行菩薩行 經歷無數微塵劫

求趣佛果大菩提 未有少時生疲倦

如是捨施內外財 國城妻子及珠珍
頭目髓腦及身命 持戒忍辱精進禪
智慧方便願力等 如是諸度廣修習
未曾暫廢菩薩行 一切眾善悉無遺
如佛所說頭陀行 彼行亦為趣佛因
如是一盡修習 精進而行無缺犯
於後末世諸眾生 雖作甚勤無懈行
常生我慢懈怠心 貪著聲色及財利
聞此大行勝妙因 返生誹謗不信受
輕笑言敬告諸人 此之所說非佛教
我聞過去有一人 多聞學識立名海
聞佛所說不信受 以此法言問本師
彼師者年亦多聞 於此佛言亦不信
展轉如是告他人 無我無人無眾生
此法非為真實教 虛受勤勞求出離
設令持戒學威儀 如是修習何所為
既無眾生無我人 父母宗親亦不有
此是邪見外道言 非是真實解脫法
復次末世諸苾芻 而造諸過無漸愧
我慢貢高心散亂 憎嫉貪愛如火燒
三衣不整垂手行 拖拽袈裟入聚落
縱情放逸而飲酒 種種惡行廣造行
身被法服為佛使 不依戒律近王侯

佛說護國尊者所問大乘經

卷第二

三

馳騁書信往四方 恃官勢力求財利
退失如來功德林 或有經營於市肆
佛言此類非沙門 清淨梵行勿同事
常住供養財物等 如已所有非法用
見有具德諸苾芻 而起慢心行誹謗
同昧賢善破律儀 密於俗舍深邪行
畜養妻男種種為 恣行貪惡俗無異
如是廣造惡業因 非是沙門出家行
當墮三塗惡趣中 永劫沉淪受眾苦
於自諸根不調伏 貪著飲食及色慾
常被他人輕賤 所學徒弟亦復然
未曾誨示修行法 亦無師資恭敬心
人前談已為慈悲 非要學徒行承事
或有風癩及癰病 六根不具醜惡人
如是攝受令出家 亦非沙門佛弟子
無戒無行無其德 彼等非法非沙門
譬如負柴燒是屍 清淨之者宜遠離
性本羈浮多散亂 亦如狂為失調伏
設起深山心不寧 貪火焚燒無暫住
忘失一切佛功德 方便智慧頭陀行
如是諸善悉不行 墮大阿鼻無有出
常談國城聚落中 宣事賊事眷屬事

佛說護國尊者所問大乘經

卷第二

四

如昔其夜恒思惟 未曾時暫行三昧
復於精舍起貪心 廣修院宇及房屋
全無持誦及梵修 但為眷屬華徒弟
昔有苾芻依附我 我即與汝同居止
若欲持戒奉律儀 非我所為須遠離
所有卧具牀榻等 什物受用及飲食
藏隱深房映蔽之 言無所有令他去
如是末世愚癡人 令佛教法不久滅
貪求利養斷善根 此等苾芻極甚多
若有清淨智慧者 遠離彼等住深山
求法苾芻無戒德 不樂深山寂靜居
常處王城聚落中 唯務是非及鬭諍
反為王法所禁制 叱訶驅擯受慙耻
諸佛法教功德海 因此破戒悉枯竭
譬如寶海水清淨 或被淤泥而渾濁
亦如蓮花滿池開 或被狂風而摧壞
如是末法破戒人 損滅佛教亦如是
若有淨修梵行者 逢斯惡友常遠離
彼人命盡墮阿鼻 受苦百千無數劫
從此地獄受罪已 或生畜趣或為人
貧窮下賤及諸惡 眇目殘陋多疾病
手足諸根不具 見者悉皆生驚怖
無信無行無善根 晝夜飢寒常憂苦

300

佛說護國尊者所問大乘經

卷第二

五

復被衆人生瞋恨 以其瓦石而捶打
如是三苦常纏縛 一切罪業應遠離
常須親近佛法僧 淨持戒律頭陀行
如是名利并眷屬 如幻如化如影像
有爲之法暫時閒 不久乖離即散壞
唯有無上佛菩提 妙地十力波羅蜜
堅固修習勿生疑 未來究竟大安樂
今時世尊說此頌已告尊者護國言
若有補特伽羅於菩薩乘不依法行
有是過失者當得不依法者而來敬
愛懈怠者得懈怠人敬愛無智者得
無智人敬愛如是互相敬愛貪者利
養嫉妬貴族懈怠狂亂綺語兩舌詭
佞他人虛誑父母及自師長或入王
城及諸聚落不爲利益衆生化諸群
品一向妄言我是大智多聞博識誑
惑有情唯求財利輕棄善法都無所
獲猶如破器無堪貯用於彼衆人多
生惡惡聽信邪言虛妄推度是法說
非非法說是於佛正法無心愛樂生
於下族貧賤之家爲見少利來投佛
法希求出家及得爲僧行非梵行於
佛法教全無所成何況大智佛告尊

佛告尊者護國言第二

第七

者如是補特伽羅不應說法人天之
善尚不能續何況菩提而得成就
今時世尊復告尊者護國言有八種
補特伽羅遠離菩提不得爲說殊妙
之法護國白言何等八種補特伽羅
准願說之佛言一者義戾車趣於彼
受生二者貧窮之家於彼受生三者
下賤之家於彼受生四者縱得人身
醜陋癡鈍五者具足蓋纏身心愛感
六者背背賢善親近惡友七者長有
疾病身體羸弱八者衆苦逼迫直至
命終如是八種補特伽羅遠離菩提
不得說法於是護國復白佛言不應
說法更有何義佛言護國若有補特
伽羅無決定者我不說菩提於虛妄
者我不說清淨行於懈怠者我不說
菩薩行於慳吝者我不說供佛行於
我慢者我不說波羅蜜清淨於無
慧者我不說斷疑法於嫉妬者我不
說心清淨於無信根者我不說總持
法於無德者我不說善逝法於貪瞋
愛者我不說身清淨於不善律儀者
我不說誘佛有過失法於妄言者我

佛告尊者護國言第三

第八

不說語清淨於我慢者我不說恭敬
法於無識者我不說修學法於爲身
命者我不說求於道法如是補特伽
羅不應說法時護國白言於意云何
佛言護國爲此有情愚癡迷惑心識
顛倒虛妄分別不依法教乃至天上
人間不應爲說今時世尊而說頌曰
不定諸有情補特伽羅等 我慢自貢高
貪著於利養 恒行不律儀 深著於五欲
增長諸煩惱 遠離佛菩提 退失於善法
懈怠不修習 猶豫多散亂 於其戒法言
而不生信受 因爲貧窮逼 方便求出家
設得作苾芻 輕捨於道法 如棄金寶擔
荷負於麻擔 雖欲入深山 到彼寂靜處
無意樂修禪 邪思而散亂 障礙於辦才
沉沒大智慧 墜墮惡趣中 設復得人身
醜陋不具足 懈怠性愚癡 不行衆善法
諸根常暗鈍 墮大嶮難中 經彼俱胝劫
迷沒不解脫 若行邪利濟得證佛菩提
調達不正知 應成善逝果 若人貪利養
墮墮於衆生 如空大風力 能墮諸飛鳥
邪福盡時 其義亦如是 無信破戒者
見善如盲人 譬如焚燒柴 不吉人嫌弃

佛告尊者護國言第四

第九

雖復發善心無彼廣大智謗法不信故
解脫非究竟譬如畫無勝莊嚴色不久
我慢自貢高其義亦如是若求佛菩提
不惜於身命於法甚深言勇猛勤習學
捨善行非法所行增過失墮於大火坑
若聞如是法依法而受行斷除貪愛心
修植衆德本乃至於一句通達悉明了
如是積功德成就最上道永離於愚盲
今時世尊說此頌已告尊者護國言
我於過去無量無邊不可說不可說
阿僧祇劫時有佛出世號曰成義意

如來應供正徧知明行足善逝世間
解無上上調御丈夫天人師佛世尊
今時有大國王名曰發光主閭浮提
其地廣闊一萬六千由旬其中州城
數滿二萬其發光王所居城邑名曰
寶光其城東西長十二由旬南北闊
七由旬城有七重七寶所作彼王善
行八正之道種族豪威有千俱胝其
國人民壽十俱胝歲王有太子名曰
福光諸根具足色相端嚴殊妙第一
太子生時有千寶藏從地湧出內有
一藏現王殿前滿中七寶高七人量

佛說護國尊者所問大乘經卷第二

假令一切衆生所作如意乃至繫縛
之者俱得解脫又彼太子生得七日
一切伎藝工巧等術皆悉明了乃至
世出世間一切事業無不通解於夜
分中有淨光天子來為說法告太子
言福光諦聽汝須息心不應傲亂於
諸塵境常當遠離晝夜思惟有為
之法當觀無常壽命盡時誰是救者
於諸非法而生怖畏

佛說護國尊者所問大乘經卷第二

乙巳歲高麗國大藏都監奉
勅雕造

佛說護國尊者所問大乘經卷第二

今時淨光天子而說頌曰

太子汝當知莫著於迷醉於此嶮難中
勤不於出離如佛所說言若離迷醉者
此人大勇猛善行於律儀清淨無瑕穢
所見諸衆生心生慈愍行成佛當不久
過去一切佛現在及未來皆從衆善生
遠離貪瞋癡飲食及衣服金銀摩尼寶
種種莊嚴具捨施利衆生廣歷俱胝劫
一心求菩提未曾有疲懈或捨於身今
頭目手足等於彼求乞人心生大歡喜
以此積功德而成佛菩提設處國三位
豪貴高最上美女及眷屬晝夜常圍繞
宮殿及園城悉皆如幻化譬如幻覺等
湯柏水沐浴其體不堅牢非實非久住
如是無常法虛妄汝當知父母與妻男
誰能相救濟所作善惡業是人隨業行
如是無數劫常沉生死海亦如無目人
於境而不了虛受於勤勞終墮嶮意趣
菩提最上路易難進行乃至於命終
不生三惡道佛世人難值正法難得聞

降伏煩惱悉親近於善友恒修入正道
安住善提心不退於佛道如是行方便
世間無有上過去一切佛捨離於親愛
常處於深山正念自思惟堅固如金剛
志求無上道

今時佛告尊者護國言淨光天子說
此頌已彼福光太子年至十歲智慧
明達而無戲論於世所有園林花卉
流泉浴池歌舞作樂而不愛著乃至
國城宮殿為馬車乘金銀財寶一切
所欲之事悉皆遠離一心思惟我身
虛幻四大假合無有堅實大地諸天
悉非究竟凡夫衆生常行非法愚癡
迷惑分別親疎執著欲樂無有厭足
永處輪迴無解脫時我於如是愚迷
人中而乃受生作是念已志意繫心
專求解脫

今時世尊復告尊者護國言彼發光
王為其太子選擇最上淨妙福地建
置一城名曰愛樂其城七重於其城
中有七百街道純以七寶鈴鐺真珠
羅網徧覆其上復有六十衆寶妙
蓋八萬寶幢於諸街巷次第行布一

佛說菩薩藏經卷第三

樂音

一寶幢有六萬寶索一一寶索有十
四俱胝樂器如是樂器微風吹動出
妙音聲如百千天樂又於此城街巷
衢路處處各住五百童女是諸童女
身相端嚴顏貞和悅於諸音樂歌舞
作倡一切悉能時發光王勅告之曰
令諸童女晝夜作樂不得間斷所有
四方一切人民來入此城見斯音樂
快樂之事奔聚看觀令其太子心生
樂著又復王言所有衆生求飲食者
施以飲食求衣服者施以衣服求花
鬘塗香者施以花鬘塗香求牀榻卧
具者施以牀榻卧具乃至以金銀摩
尼碑礪碼碼珊瑚真珠吠瑠璃等如
是諸寶處處堆積復有為馬車乘皆
以衆寶種種莊嚴令一切衆生隨意
受用

今時發光王復為太子於此城中修
建一宮廣一由旬造四門樓戶牖軒
窗皆以七寶種種莊嚴於此宮中置
一大殿用百千珍寶固匝莊於殿
中間安四俱胝衆寶牀榻及以卧具
復於城中置一大圍花菓樹木其數甚

佛說菩薩藏經卷第三

樂音

多若蔚開敷世所希有於其中間排
一切寶樹光明照耀無不受樂又於
園中有七寶池於池四邊有四界道
四寶所成所謂金銀吠瑠璃玻璃於
池周圍置一百八師子口水從彼入
復置一百八師子口水從彼出其中
復生鈴訥摩花烏恒鉢羅花俱母那
花奔拏哩迦花等種種名花恒時開
敷於池周圍復有八百寶樹一一寶
樹各懸寶索一一索上有俱胝數樂
器微風吹動出妙音聲令諸衆生聞
者受樂復次寶樹懸掛八十百千珍
寶妙幡又於池上置大寶網而以爲
蓋覆太子身令離塵土

今時發光王復令殿內以其七寶造
四俱胝寶座一一寶座各以五百上
妙之衣敷於座上於其中間置一大
座高七人量以八十俱胝上妙寶衣
敷設其上此是福光太子所登之座
於諸座前各置香爐純金所成於爐
周圍懸金鈴鐺及金蓮花摩尼寶網
四面嚴飾光明照耀晝夜三時恒焚
沉香及散妙花復於園內有九十九

佛說菩薩藏經卷第三

樂音

百千摩尼寶一摩尼寶廣一由旬
有大光明照一切世界

尔時世尊復告護國言福光太子園
苑之內有種種飛鳥鸚鵡鵝鶩鴛鴦
鵝鴨孔雀舍利俱和羅鳥俱擊羅鳥
迦陵頻伽命命鳥等如是衆鳥俱善
人言每群飛時作微妙聲如衆音樂
而無有異亦如天帝歡喜之園令諸
天人受妙快樂彼發光天子復爲太
子修饌上味飲食逐日供給五百千
車復令使令於諸城邑聚落選取童
女年十六歲至二十歲者色相端嚴
諸根具足不長不短不肥不瘦不白
不黑身出白檀香口出優鉢羅花香
言詞美善心意純直而無妬忌善解
博弄歌舞戲樂乃至一切世間工巧
伎藝無不悉解如是童女得八十俱
胝來入王城

佛說護國尊者所問大乘經

第五卷

佛說護國尊者所問大乘經

童女奉上太子如是八十四俱胝童
女俱令侍從承事及歌舞作樂悅樂
太子

佛告尊者護國言尔時福光太子見
是事已於其園城宮殿樓閣園林池
沼爲馬珍寶及諸童女歌舞唱妓種
種作樂之事都不愛著而自思惟此
諸女等於我身分爲大惡友斷我善
根增諸煩惱常應輪迴無有自在譬
如有人處於禁縛終不能出尔時太
子見此過失於十年中於色聲香味
觸五塵諸境而不愛著一心思惟諸
惡友衆云何捨離而自修行得共解
脫作是念已披諸童女即詣王宮白
父王言其福光太子於諸婢女戲樂
歌舞都不顧視獨坐思惟遠難聲已
尔時發光天子聞是事已心念驚愕
恠未曾有即時統領八萬小三及諸
臣從來入太子所住宮中見使太子
孫處宮殿儀仗寂然涕淚悲泣心大
些惱迷悶踰地良久乃歎從地而起
即說頌曰
子爲最上寶云何不觀我憂惱惶亂

佛說護國尊者所問大乘經

第五卷

云何捨所受種種富樂幸此城妙莊嚴
衆寶爲嚴飾宮殿妙樓閣園林及浴池
衆馬七珍財衣服及飲饌如是無量數
而以供給之復有諸童女容顏甚妙
端正廣莊嚴如彼天女相心性善純直
通達諸伎藝歌舞及音樂人間無有比
所爲適悅汝令其心快樂云何無所著
於斯而捨離獨處於深宮顏自甚寂清
令諸童女等各各懷憂惱如彼蓮花萎
俱來而白我太子汝當知如是諸童女
端正俱年少口出優鉢香身有栴檀氣
兩目紺如蓮善知人心意令於晝夜中
親近作戲樂今汝正是時於此而厭弄
於汝意云何爲我遠宣說又向園林中
安置摩尼寶九十九百千各廣一由旬
光明普照耀寶樹懸寶幡其數有八萬
花菓皆茂盛具有衆飛鳥孔雀及鵝鴨
迦陵頻伽等皆出微妙音復於諸樹間
各垂於寶索一一寶索中皆有妙樂器
微風吹動時出於妙音聲清響如天樂
云何而不思又此諸宮殿皆以衆寶成
金銀摩尼珠琉璃與碼瑙瑠璃真珠等
莊嚴甚微妙於此寶殿中安置金寶爐

第六一冊

六一九

四面垂珠網俱胝細妙衣以用莊嚴上
晝夜三時中長執栴檀香如彼天帝宮
善法堂無異汝今不愛樂違背於父母
都無孝敬心令我增苦惱言已而悲泣
為我速宣說太子見所問誓首白父王
世間五欲境墜墮於眾生纏縛於有情
增長大過失永處於輪迴無有得出離
我今求解脫發大菩提心遠離諸塵染
一切女人身眾惡不淨本我觀如怨家
貪瞋瞋相隨流浪於生死牽繫諸眾生
常處大嶮路又此女色相皮膚裏不淨
血肉與骨髓腸胃大小便腥穢淒淒等
如是穢惡身云何令愛樂譬如毒藥樹
開花眾所愛採花毒入身不覺殞其命
國城與宮殿音樂及歌舞究竟不堅牢
如夢如幻化亦如春樹木滋茂葉落芳
纔至冬月時凋落悉枯悴女人及富饒
不久亦如是愚癡狂亂心常沒貪欲海
鬪諍起憎嫉互相行殺害父王及眷屬
妻子并男女於彼惡趣中誰能行救濟
菩薩大智人身心常寂靜觀彼如草木
不動如須彌常樂處深山一心求正道
淨世不久住如山水急流人命若浮雲

世尊當空何處經卷第二

佛說

論

須臾即散滅墜墮臨三有中迷沒於生死
我不著愚迷遠離於塵妄色聲五欲塵
非是苦薩境福盡無福生業盡復生業
如鳥尋籠下長不得自在六塵如毒蛇
煩惱於眾生四大不堅實猶如空聚落
父王今當知速捨虛妄境歸趣真解脫
常運妙法船度脫於三有迷者令覺悟
禁縛得解脫愚苦使復安智者與開目
貧窮賜珍財悉令離憂苦復為眾有情
枯渴貪愛河照燭黑暗路廣布於雲雷
降雲甘露雨除熱得清涼成就最上智
父王今當知何人懷慈念而欲作怨家
何人具智慧怖見佛法僧何人有眼目
入於嶮路行何人得菩提而欲作散亂
如斯有智人必不行邪道我寧上須彌
投身入大海於此五欲塵終不生染著
所有諸姝女并及於眷屬請王速將歸
於此勿久住在家多過失障蔽佛菩提
我捨於國城及諸眷屬等行詣於深山
修習清淨行志求無上道
今時佛告尊者護國言彼福光太子
處於寶殿是諸童女圍繞侍從太子
觀之深生歡離於三歲歲中行住坐

佛說

論

論

時求斷一切煩惱於月初八日於地
而坐正意思惟離諸塵染作是觀已
於中夜時忽聞空中淨光天子讚佛
讚法及必留眾如是聞已身毛皆豎
悲喜交并合掌向空以頌問曰
虛空諸天大慈愍發聲稱讚讚何人
我要歸依求出離願樂聽聞為開演
今時淨光天子於虛空中聞彼所問
而為太子說所讚事以頌答曰
我今稱讚大沙門彼佛名目成我意
常以十善化群迷救濟孤獨諸有苦
方便智慧最為上功德神力無有比
常有十千那由他必勇之眾恒恭敬
太子復問淨光天有何功德及相好
彼佛所行善提行重為宣說我樂聞
今時淨光天子復為太子說佛功德
相好以頌答曰
佛頂如須彌出眾而高顯螺髮而紺青
右旋俱摩耆眉間白毫光照耀如千日
目紺淨分明猶如青蓮華領臆如師子
膺色勝頻婆齒密無缺減白頰如珂雪
臍輪廣若旋如淨頗瓔寶古色如紅蓮
廣長而淨淨舒展覆面輪此相最微妙

佛說

論

論

梵音而清響 美妙出世間 一切諸天人
聞者皆歡喜 假使百千樂 莫等佛音聲
功德廣無邊 能斷衆生惑 令行菩提行
復次諸飛鳥 名目繁夥 鷲鷯俱羅
鸚哩哩等 具沙俱摩 迦陵頻伽等
各有色相嚴 佛相好亦然 佛以一言辭
隨衆各得解 近遠平等聞 如來法自在
項頸長細妙 量等於身分 臂膊而臍圓
垂手過於膝 如是妙端嚴 七處皆平滿
雙肱如鳥翼 兩脇勝康王 陰相而蔽隱
猶如龍馬王 身毛紺右旋 無畏如師子
佛頂如天蓋 嚴飾金色身 行步同牛王
足現千輻輪 莎悉帝迦相 如是廣端嚴
世間甚希有 汝今若親近 有德與無德
有福及無福 一一自當知 若有稱佛名
讚毀俱不著 如道在水中 淤泥不可涼
我佛大導師 世間無有上

佛說護國尊者所問大乘經卷第三

乙巳歲高麗國大藏都監奉
勅雕造

佛說護國尊者所問大乘經卷第三

第二

八

○佛說護國尊者所問大乘經

佛說護國尊者所問大乘經卷第四

給

佛告尊者護國言 今時福光太子聞
虛空中淨光天子讚佛法僧無量功
德相好莊嚴之事 心大歡喜正意繫
心端坐思惟 彼佛世尊具足功德所
說妙法 真實無謬 聲聞弟子梵行清
白又復思惟 輪迴大苦一切衆生愚
癡障蔽不覺不知 常以身見起諸惑
深廣增過 夫生死輪迴相續不絕 諸
有智者應當遠離 又復思惟 愚癡迷
暗起三種思動 發身語造善惡業熏
識成種如是 名色六入觸受苦報相
續受取 經潤增長有友如是 結生老
死誰免 我觀生死少味多苦逼迫身
心是可畏患速且親近 彼佛如來微
妙之法 斷諸煩惱 求出輪迴 若近惡
友耽著欲樂 人天之報 尚不能得 何
況阿耨多羅三藐三菩提
余時福光太子作是念 三於此宮城
深生厭離 我今於此不解脫 且應
速捨別求靜處 修習梵行 時彼太子

發此志已 即便離殿 欲往門出 又慮
親眷而為留難 遂却上殿而東而立
遙告佛曰 成義如來應正等覺 具一
切智神力 廣大願賜慈悲 救護於我
我於此處擲身 出外欲求解脫 作是
語已 即便擲身 佛以神足舒其右手
放大光明 照太子身 其光化為千葉
蓮花 承太子足 又此蓮花復出百千
微妙光明 照於太子 令心適悅 經須
臾間 將至佛前 佛攝光明 蓮花不現
余時太子如山而下 即到佛前 合掌
恭敬 旋繞世尊 志心稱念 南無成義
意如來 應正等覺 所說妙法 及苾芻
衆我志歸依 作是語已 五體投地 禮
佛千拜 即以伽陀讚歎佛曰
稽首無上大醫王 我身大患久未除
賴佛慈悲垂救度 少賜如來妙法藥
甘露 夜臥坐自思惟 一心求離五欲境
空界天人發聲言 勸導歸依來佛所
佛為出世大導師 何得衆生造過失
於大難中垂救護 令彼盲迷開智眼
我今雖發信佛心 貪念如來功德寶
求出纏縛解脫 願佛慈悲垂攝受

第六一冊

六二一

於其暗室燃慧燈 破我疑或無明等

宣揚清淨妙法門 如佛所行菩提道

稽首無比大醫王 滿我意願除諸病

一切妄想悉消除 抱離惡趣到彼岸

永出煩惱大海中 常行如來八正道

如是真實為我說 如佛所說我行之

志求無上大菩提 修習菩薩真實行

成就福德無盡報 捨於世壽為法壽

一切纏縛永斷除 究竟圓滿菩提道

佛告尊者護國言 今時成義意如來

見彼太子信心清淨善根純熟即為

宣說菩薩行法福光太子聞是法已

得持持門證妙解脫成就五通躡身

空中散花供養作供養已從虛空中

下合掌向佛讚歎如來即說頌曰

稽首我佛真金色 相好最上面如月

功德智慧無等倫 永離三有常清淨

牟尼螺髻紺青色 高顯清淨如須弥

我觀無等無過佛 眉間毫光普照耀

如軍那花及朗月 過於珂雪與磔磔

如是皎潔大光明 除滅衆生諸罪暗

目淨輝朗如青蓮 常以慈顏顧我等

恐親無二平等觀 有情無情俱獲益

佛說護國菩薩經卷第六

第五

七

舌如赤銅而廣長 或覆面輪或大千

應機流演大小乘 普救世間諸有苦

我今頂禮如來齒 四十齋密自如珂

四牙鋒利若金剛 俱發光明濟群品

我今禮佛真實語 離諸虛詐綺言辭

通達性相甚深文 破暗除迷百千刹

梵王帝釋護世主 龍天八部及三塗

如是蒙光普惱除 俱出輪迴生死海

我佛雙眸如鹿王 行似牛王舉步穩

下足登涉地面時 山川大地俱震動

我佛身相妙端嚴 皮膚柔軟真金色

一切世間無有比 衆生見者無厭足

佛於過去百千劫 能捨一切利衆生

俱令離苦出煩惱 我今歸禮大慈父

佛以法財施一切 持戒忍辱精進修

禪定智慧慈圓明 我今禮佛無等智

我佛無畏大師子 能破無邊煩惱魔

善療衆病悉消除 我今頂禮滅三毒

身口意業無塵染 三界無著出水蓮

梵音深妙如梵天 迦陵頻伽聲莫比

我今禮佛出三有 常觀世界如幻化

如夢如電非久停 無人無我無衆生

法本空寂無有生 不能知悟隨輪轉

佛說護國菩薩經卷第六

第六

八

垂慈廣為諸衆生 方便隨機宣妙法

大聖醫王衆所歸 恒治老死憂悲惱

如是普利諸衆生 各令善逝入天路

如是慈悲牟尼主 常照輪迴六道中

如蟻循環無了期 引彼愚盲得正路

如是依法證菩提 具法自在利世間

如佛所說八正道 聞者適悅生敬愛

佛聲微妙過梵天 嶽遠哩轉緊那囉

及諸天女美妙音 非似佛聲多方便

清淨語音功德普 衆生隨類各得聞

如是為衆起菩提 一一難凡得解脫

種種上妙物供佛 獲得最上入天福

或為帝主或宰臣 常受大富大快樂

或作金輪王四洲 具足千子及七寶

恒行十善利世間 一切衆生皆隨順

或為護世或忉利 或處夜摩觀史陀

乃至他化與梵天 皆因供養諸佛得

如是見佛及聽法 俱能出離諸苦惱

今彼不墮惡道中 安樂寂靜無塵染

佛能安住諸世間 求福之者皆令福

如是獲福長相續 俱脫多劫不可盡

最上微妙莊嚴刹 衆生生者無塵垢

身光照耀勝天人 身口意業俱清淨

佛說護國菩薩經卷第六

第七

九

成就種種功德相 名聞流布詣世間
天上人間俱敬愛 彼人供養諸佛得
我佛久離諸苦惱 十方佛刹皆稱讚
一切徒眾悉歸依 無不受樂慈悲相
我今稽首人中尊 湛然不動無為相
令我獲證五神通 住立虛空伸讚佛
稽首無畏佛世尊 無垢清淨出世間
所有稱讚諸功德 迴施人天成正覺
佛告尊者護國言 今時發光天子於
其中夜忽聞福光太子宮城之內有
大哭聲驚愕憂惶莫知凶吉即時將
諸目從及其眷屬來詣太子宮中問
諸宮人汝等云何夜來啼哭時彼宮
人即奏王言福光太子忽念離宮莫
知所止憂懼悲痛是以啼哭今時發
光天子聞是語已足如踴嶮忽然蹕
地良久乃蘇從地而起心生憂惱涕
淚悲泣欲往千城處尋覓時受樂
城中護城聖賢告於王言彼福光太
子往詣東方孔觀供養成義意佛時
發光天子聞是語已即將八十四俱
胝宮人嫫女及百千那由他侍從眷
屬周市圍繞往詣東方至成義意如

佛說護國尊者所問大乘經

卷下

七

來處到已五體投地禮世尊足住立一
面合掌向佛以頌讚曰
稽首歸依功德海 妙湛抱持無等尊
天龍八部眾所歸 一切觀佛無厭足
三十二相妙端嚴 七寶嚴身世希有
巍巍赫赫妙金山 超出世間歸命禮
過去難思俱胝劫 修行供養俱胝佛
深植德本廣無邊 成就佛身妙色相
布施持戒忍辱行 精進禪定善巧便
如是歷修勝行成 色相圓明光顯耀
日月閃電摩尼寶 帝釋梵王身色炎
如是等光對佛炎 一時隱沒俱不現
佛身如現水中月 變化隨機亦復然
託夢委象入母胎 捨於觀史天王位
佛身無相如虛空 示生人世救群品
初生七步帝釋隨 天上人中為最上
彼佛無法不了知 亦無師學普自解
而成寂靜三摩地 救拔眾苦令解脫
捨離父母及親眷 出彼王城入深山
俱胝天眾圍繞佛 降伏四魔成正覺
觀彼世間不究竟 眾生沉溺輪迴
垂慈為救轉法輪 今離無常出苦難
佛證寂滅清淨法 成就福智及方便

佛說護國尊者所問大乘經

卷下

八

牟尼起化現身於 如是佛相悉具足
我礼牟尼無邊智 我礼究竟法界法
雖知幻化無去來 垂慈普救諸含識
善哉佛說菩提道 引彼眾生得菩提
如是正法我所求 正法能度世間苦
我佛常處三有中 救療一切煩惱病
以我稱讚佛功德 迴向菩提及眾生
今時佛告尊者護國言 彼成義意如
來見此發光天子歸依讚歎信心堅
固求趣解脫即隨王意而為說法時
發光天子聞佛所說即於阿耨多羅
三藐三菩提得不退轉
今時福光太子見是父王歸依彼佛
心生信敬即詣佛前合掌向佛而白
佛言如來應供正徧知唯願世尊往
受樂城受我飲食供養時成義意如
來默然許之受太子請時福光太子
即告父王及諸眷屬我今請佛所有
宮殿園苑及一切珍寶莊嚴之具施
佛供養汝諸眷屬勿為障惱異口同
音起隨喜心今時父王及諸眷屬俱
發聲言願捨所有施佛供養我皆隨
喜

佛說護國尊者所問大乘經

卷下

八

尔時成義意如來與諸苾芻恭敬圍繞入受樂城受彼供養時福光太子以五百千車上妙飲食供養世尊及苾芻眾復次福光太子為佛及眾廣以七寶造僧伽藍用無數摩尼寶網及傘蓋等四面嚴飾復置百千牀榻卧具以妙衣服敷設其上又於精舍左右行布花果樹木流泉浴池於其池中生奔拏哩迦花及優鉢羅花等復次於一一苾芻前頭面作礼獻僧伽梨衣日日三時亦復如是經三俱胝歲晝夜梵修亦不眠卧亦無疲倦亦不沐浴洗濯香鬘塗飾亦無瞋恚貪愛乃至為法不惜身命何況外財如佛所說如說而行乃至成義意如來入於涅槃盤余時太子以赤栴檀茶毗如來於閻浮提內所有一切上妙名花及諸花鬘塗香栴香種種伎樂於茶毗處供養舍利尔時閻浮提內一切眾生俱以香花飲食皆來供養如是經百千歲

尔時福光太子收佛舍利以其七寶造九十四俱胝塔俱以真珠羅網周

佛說阿含經卷之四

七

布嚴飾又諸塔前豎立五百七寶傘蓋花果樹木及百千音樂又一一塔前置百千燈盆每一一盆中燃百千燈如是供養至一俱胝歲然後太子出家剃髮為苾芻相行頭陀行持鉢乞食伏斷煩惱常行法施滿四俱胝歲如佛所行無有疲倦時受樂城中護城賢聖一切小王宮嬪眷屬及諸眾生皆敬太子出家剃髮修清淨行時淨光天子互相告言一切小王及諸人民等悉皆出家我等往彼承事太子如供養三寶尔時成義意如來所說六十四俱胝法藏福光苾芻悉皆受持通達無礙如是福光苾芻已曾親近九十四俱胝百千那由他佛於諸佛所一一供養無空過者皆如成義意如來而無有異尔時發光天子者豈異人乎今無量壽如來是尔時福光太子者豈異人乎今我是尔時受樂城中護城賢聖者豈異人乎今阿閼如來是佛告尊者護國言一切菩薩摩訶薩欲求阿耨多羅三藐三菩提者應當學彼福光苾芻

佛說阿含經卷之四

七

遠離貪愛親近善友修寂靜行動供諸佛不久當得阿耨多羅三藐三菩提佛言護國若復有人貪著利養飲食衣服卧具醫藥尊重稱讚彼人愚癡則為我慢破犯戒律虛妄不實毀謗沙門遠離佛法於身口意而不相應唯有外相心不寂靜無慚無愧遠離佛利遠離菩提是故護國聞如是法應如是知應如是學應如是行不得親近惡友及利養等尔時世尊而說頌曰

若人貪愛於利養 遠離真實清淨行
因斯退失佛菩提 永劫沉淪生死道
無慚無愧無知足 常愛常貪恒繫縛
不懼三塗苦惱侵 猶言我具諸德行
詐現寂靜住山間 心於名利常牽繫
眾人遠離如毒蛇 長處輪迴無解脫
若人不樂如來法 輕賤具德苾芻僧
永離天界墮惡道 縱生人世墮八難
俱胝劫數難值佛 所說正法亦難聞
剎那暫遇若依行 彼人必證菩提果
佛乘妙行德難思 一切如來從此出
若人厭離樂塵勞 永失菩提無上道

佛說阿含經卷之四

七

七

若人智慧及方便 遠離一切諸過非

惡救五趣諸衆生 是人所行同佛行

雖處深山寂靜處 詐現清高爲自身

掩他行業談已能 我常日誦俱胝佛

若於行法生尊重 不怪身命一心求

如我所說眞實行 是人非遠證菩提

大德正法最上乘 永得消除於熱惱

如聞所行精進修 畢竟速證無上道

尔時世尊說此頌已告尊者護國言若

諸菩薩於阿僧祇劫行五波羅蜜不

如有人於此正法暫得聽聞信解受

持如是功德勝前功德百分不及一

千分不及一百千俱胝分不及一算

數分不及一乃至譬喻分亦不及一

佛說是經時會中有三十那由他天

人發阿耨多羅三藐三菩提心得不

還轉七千五百斷盡諸漏得無生忍

尔時尊者護國而白佛言今此經典

甚爲希有云何受持當何名之佛言

護國此經名爲大乘正法亦名廣大

清淨不空誓願福光居士歡喜菩薩

行如是受持佛說此經已尊者護國

及天人阿蘇羅獻遠哩嚩等聞佛所

佛說金剛香菩薩大明成就儀軌經

卷第四

說皆大歡喜信受奉行

佛說護國尊者所問大乘經卷第四

乙巳歲高麗國大藏都監奉

勅剛造

佛說金剛香菩薩大明成就儀軌經

卷第四

終

佛說金剛香菩薩大明成就儀軌經卷上給

吳越經藏院藏板

尔時世尊在觀史多天與無數百千

俱胝那由他菩薩共會一處時有無

數百千俱胝那由他天所謂娑多候

哩四摩嚩多難你枳濕嚩摩訶迦

揮摩醯濕嚩摩火惹演多那羅延等

復有無數天龍阿蘇羅嚩訶摩訶

哩嚩緊那囉摩護囉嚩義囉叉婆

及諸星曜如是等衆皆悉來集在於

佛會

尔時金剛手菩薩摩訶薩白佛言世

尊今有一切羣刹行於世間作大怖

畏惟願世尊慈於世間爲除怖畏說

金剛香菩薩大明使彼羣刹及一切

天龍八部乃至一切星曜行不饒益

者見彼大明皆悉迷悶怖畏馳散於

諸衆生不能爲害世尊豈唯如是等

衆見已怖畏乃至帝釋示失威力彼

一切魔障現大忿怒諸惡相者悉皆

破壞於諸有情不能侵害

尔時金剛手菩薩摩訶薩重白佛言